



## **Poziv na praktičnu radionicu**

# **UBRZAJTE USPJEŠNOST SVOJE ORGANIZACIJE POMOĆU NEPOVRATNIH SREDSTAVA EU**

Banja Luka 9. i 10. 06. 2010. Hotel Bosna, Kralja Petra I. Karadorđevića br. 97. Banja Luka

## **Cilj radionice**

Brojni su načini finansiranja razvoja organizacija, no, kako doći do tih finansijskih sredstava ovisi od stanja na domaćem i globalnim tržištima. Jedan od važnih načina sufinansiranja projekata organizacija – posebice u vremenima recesije – sigurno su i nepovratna sredstva EU.

Približavanjem Evropskoj uniji organizacijama iz Bosne i Hercegovine svakog dana otvara se sve više mogućnosti i izvora povlačenja novca od strane Evropske unije. No, to je samo početak, jer će sa svakim korakom prema EU brojne nove mogućnosti tek biti otvorene u budućnosti. Kako biste taj novac dobili, morate znati što sve Evropska Unija očekuje od Vas, a vezano uz pripremu projekata i što sve trebate napraviti, kako biste dobili novac od EU.

Na radionici ćete kroz praktičan rad savladati vještine i ključne elemente pripreme kvalitetnog projekta za EU, te naučiti kako izbjeći zamke na putu prema dobivanju potvrđenog projekta. Posebice ćemo se fokusirati na to kako podijeliti rad na projektu, kako strukturirati projektni menadžment, te kako pripremiti kvalitetan budžet na projektu. Kod svakog ćemo na početku predstaviti metodologiju pripreme, a nakon toga raditi na konkretnim primjerima projekata.

Predavači na radionici suiskusni praktičari sa višegodišnjim iskustvom u radu na projektima EU i projektnim prijavama. Tijekom radionice polaznici će dobiti praktične informacije, detalje, savjete i trikove kako uspješno savladati sve prepreke u pisanju projektnih prijavi za evropske projekte.

## **Ciljna publika**

- Predstavnici opština i ostalih lokalnih i regionalnih zajednica
- Predstavnici vladinih institucija, agencija i direkcija
- Predstavnici malih, srednje velikih i velikih preduzeća
- Predstavnici nevladinih organizacija, asocijacija, fondacija
- Predstavnici različitih udruženja građana
- Predstavnici istraživačke sfere (fakulteti, istraživački instituti i dr.)



- Svi koje zanima tematika korištenja nepovratnih sredstava i željeli bi da saznaju za što se dodjeljuju i kako ih dobiti

Radionica je namijenjena pojedincima koje zanima da nauče:

- Koje su mogućnosti dobivanja sufinansiranja od strane EU?
- Kako kvalitetno pripremiti i voditi projekte EU?
- Savladati napredna znanja o povlačenju nepovratnih sredstava, više no što pružaju obični seminari.

**Raspored predavanja:**

### Dan 1

09.00 – 10.30	Zašto bi Vas zanimala nepovratna sredstva EU?
10.30 – 11.00	Pauza
11.00 – 12.30	Kako do nepovratnih sredstava EU? Definicija projekta; Što je kostur projekta i kako ga pripremiti? Važnost podjele rada na projektu;
12.30 – 13.30	Ručak
13.30 – 15.00	Projektni menadžment na projektima EU;

### Dan 2

09.00 – 10.30	Priprema kvalitetnog budžeta; Koji troškovi se sufinansiraju? Ključne zamke u fazi pripreme budžeta;
10.30 – 11.00	Pauza
11.00 – 12.30	Efikasno vođenje troškovne dokumentacije nakon početka projekta;



## **Predavači**

**Ilina Hristova, M.A**, savjetnica za nepovratna sredstva u RR & CO. Knowledge Centre Ltd, završila je međunarodnu komunikaciju na Univerzitetu za strance u Perudi i stekla zvanje magistricice za istočnoevropske studije na Univerzitetu u Bolonji. Radila je u konzultantskoj firmi u Briselu i kao savjetnik za evropske projekte na Univerzitetu u Parmi. Do sada je radila na pripremi brojnih evropskih projekata, većinom u okviru programa EU za visokoškolske institucije i istraživače i držala je seminare i predavanja u vezi sa pripremom i vođenjem projekata.

ili

**Damjan Struna, MR.Sc.**, savjetnik za nepovratna sredstva u RR & CO. Knowledge Centre Ltd., završio je studije međunarodne ekonomije na Ekonomskom fakultetu u Ljubljani. Do sada je radio na pripremi brojnih evropskih i nacionalnih projekata za 7. Okvirni program, EUREKA i strukturne fondove. Stručnjak je na području pretprijetnih pomoći i do sada je pripremao i izveo veliki broj seminara u Bosni i Hercegovini, Hrvatskoj, Srbiji i Makedoniji. Izvođač je i "Škole praktične pripreme projekta za nepovratna sredstva EU" koja se do sada uspješno izvodila u Bosni i Hercegovini i Republici Hrvatskoj.

## **RR & CO. Knowledge Centre Ltd.**

RR & CO. Knowledge Centre Ltd. je savjetničko preduzeće i razvojni lider na području dobivanja i korištenja nepovratnih sredstava. Djeluje od 1991. godine i zbog bogatih iskustava na području finansija, projektnog menadžmenta, upravljanja inovacijama i ljudskim resursima, općeg učenja, preduzetništva, poslovne informatike, industrijske automatizacije, prava privrednih društava i organizacija rada, najbolji smo sugovornik i partner preduzećima koja se brzo razvijaju.

RR & CO. Knowledge Centre Ltd. ima 20 redovno zaposlenih stručnjaka, od toga 6 magistara nauka među kojima su: savjetnici za projekte nepovratnih sredstava, stručnjaci sa magistarskim titulama iz područja informatike, analize Evropske socijalne politike i ekonomije, kao i po jedan stručnjak sa licencom IPMA (Međunarodna asocijacija za projektno vođenje) i sa licencom CISA (Revizor za informacione sisteme).

RR & CO. razvila je jedinstveni programski alat EFAMT©, koji pomaže administrativno-finansijsko vođenje međunarodnih projekata koji se finansiraju nepovratnim sredstvima EU. RR & CO. član je stručnih udruženja European Research Managers Association (EARMA), International Project Management Association (IPMA), Information Systems Audit and Control Association – ISACA, Slovenskog združenja za projektni management i nosilac međunarodnog certifikata LSH-ACC-Mentor Multiplier. Više o preduzeću na [www.rr-co.eu](http://www.rr-co.eu).

Agencija Apriori organizacije BiH u suradnji sa firmom RR & CO. Ltd. koja je vlasnik franšize EU PARTNERS pokriva usluge na području savjetovanja o nepovratnim sredstvima Evropske unije. Više o franšizama na [www.eu-partners.eu](http://www.eu-partners.eu)



## **Agencija Apriori organizacije BiH:**

Agencija Apriori organizacije na području Bosne i Hercegovine od 2007. godine učestvuje u obrazovanju i razvoju djelatnika u brojnim bosanskohercegovačkim firmama i institucijama kroz intenzivne edukativno – informativne seminare i radionice na temu „Pretpristupni fondovi Evropske Unije za Bosnu i Hercegovinu”. Edukacije su prilagođene svim nivoima polaznika, od početnog do naprednog. Poseban projekt je „Škola praktične pripreme projekata za nepovratna sredstva EU” u kojoj se kroz 4 mjeseca i preko 90 sati predavanja i praktičnoga rada savladaju svi koraci pripreme projektne aplikacije. Partner na projektu je firma „RR&Co Ltd.” nosioc franšize EU PARTNERS i vodeća firma u regiji na području dobivanja i korištenja nepovratnih sredstava Evropske Unije.

Početkom 2009. godine prepoznali smo potrebu tržišta i okupili tim vodećih domaćih i predavača iz okolnih zemalja, te započeli sa edukacijom iz sljedećih oblasti: „Soft skills”; Osobni i profesionalni razvoj; Odnosi s drugima; Rukovođenje; Vođenje projekata; te druge edukacije ovisno od potrebe naših klijenata. Naši predavači su priznati praktičari i ugledni stručnjaci s područja psihologije menagementa, komunikologije, marketinga i prodaje.

Naše edukacije odlikuju se orijentacijom na specifične potrebe pojedinca i organizacije, te fleksibilnim pristupom u izvedbi i oblikovanju seminara i radionica. Naši edukatori imaju višegodišnje iskustvo u izvedbi i pripremi edukacija, te vrhunska stručna i praktična znanja. U radu sa polaznicima koriste model aktivnoga učenja kroz prikaze i analize studije slučajeva, ankete, formulare i dr. Vještine, znanja i iskustva koja Vam prenose koriste u svojim svakodnevnim aktivnostima.

Na tržištu Bosne i Hercegovine prisutni smo od 2002. godine preko partnerske agencije Apriori komunikacije koja je istaknuta agencija u regiji na području poslovnog savjetovanja, komunikacija i odnosa s javnostima [www.apriori.ba](http://www.apriori.ba) [www.apriori.hr](http://www.apriori.hr) [www.apriori.mk](http://www.apriori.mk)